

Date : 20 Julai 2017
Title : UNITEN, MPC perluas skop kerjasama produktiviti
Publication : Berita Harian
Page : V10

UNITEN, MPC perluas skop kerjasama produktiviti



Prof Kamal Nasharuddin (kanan) dan Mohd Razali bertukaran dokumen MoU pada majlis pemeteraian.

Oleh Nor Azma Laila
norazma@bh.com.my

Kajang

Universiti Tenaga Nasional (UNITEN) menandatangani memorandum persefahaman (MoU) dengan Perbadanan Produktiviti Malaysia (MPC) bagi menjalankan program berpotensi untuk mendidik budaya inovatif dan kreatif dalam kalangan generasi muda.

Pemeteraian MoU itu disempurnakan oleh Naib Canselor UNITEN, Prof Datuk Ir Dr Kamal Nasharuddin Mustapha, dan Ketua Pengarah MPC, Datuk Mohd Razali

Hussain, pada majlis di sini, baru-baru ini.

Prof Kamal Nasharuddin berkata, MoU itu membabitkan penganjuran dua program utama, iaitu Kembara Inspirasi Kejayaan dan Kembara Usahawan Belia.

Bentuk usahawan

Di samping itu, beliau berkata, beberapa program lain akan turut dianjurkan yang bersesuaian hasrat UNITEN dan MPC sebagai jalinan positif antara sektor industri dengan pendidikan.

"Program Kembara Inspirasi Kejayaan akan memfokus kepada pelajar Tingkatan Empat dan Lima di sembilan daerah

di Selangor. Antara pendendahan ialah perkongsian pengalaman oleh tokoh terkemuka, motivasi dan pendidikan mengenai budaya kualiti serta produktiviti daripada pihak MPC.

"Kembara Usahawan Belia pula memberi tumpuan kepada belia dan lepasan ijazah bagi meningkatkan lagi minat dalam bidang keusahawanan.

"MPC akan berperanan membentuk usahawan menjadi *Business Excellence Practitioners* dan *Business Excellence Assessors* berdasarkan standard serta kriteria ditetapkan perbadanan itu," katanya ketika berucap pada majlis pemeteraian berkenaan.

Yang turut hadir ialah Pengarah Yayasan Canselor UNITEN, Mohamad Ishak Mohamad Ibrahim, serta Pengurus Korporat dan Pembangunan Perancangan MPC, Shezlina Zakaria.

Perkukuh kerjasama

UNITEN menjalinkan kerjasama dengan MPC sejak 10 tahun lalu, sekali gus mencapai pelbagai kejayaan seperti Anugerah Kualiti Industri dan Piala Perdana Menteri bagi Kategori Pengurusan Berkualiti pada 2009.

Sementara itu, Mohd Razali berkata, kerjasama kali ini adalah kesinambungan hubungan sedia terjalin melalui peme-

teraian MoU pada 2008 bertujuan menyediakan ruang kolaborasi membabitkan pembangunan keberkesanan perniagaan menerusi Program Produktiviti dan Peningkatan Daya Saing untuk kakitangan UNITEN.

"Saya gembira kerana selepas 10 tahun, MPC dan UNITEN meneruskan hubungan baik ini, malah mengembangkan skop kerjasama produktiviti membabitkan belia sebagai kumpulan sasar baharu.

"MoU baharu ini diharapkan akan memperkukuh kerjasama antara MPC dengan UNITEN, sekali gus menghasilkan situasi menang-menang bagi kedua-dua pihak," katanya.

info

UNITEN

→ **Menyokong** usaha Kementerian Pendidikan Tinggi melahirkan lima peratus graduan setiap tahun yang mampu bergelut usahawan supaya dapat menyediakan lebih banyak peluang pekerjaan kepada masyarakat dan menjana ekonomi
→ **Berjaya** melahirkan 5.2 peratus graduan keusahawanan, tahun ini